

ТАДБИРКОРЛИКНИ РИВОЖЛАНТИРИШ ВА КАСБГА ТАЙЁРЛАШ ОРҚАЛИ КАМБАҒАЛЛИКНИ КАМАЙТИРИШ ЧОРАЛАРИ БЕЛГИЛАНДИ

Ўзбекистон Республикаси Президенти Шавкат Мирзиёев раислигида 27 февраль куни тадбиркорликни ривожлантириш орқали камбағалликни қисқартиришга қаратилган чора-тадбирлар бўйича видеоселектор йиғилиши бўлиб ўтди.

Маълумки, ҳар қандай мамлакатда аҳолининг кам таъминланган қатлами мавжуд. Ўзбекистонда ҳам одамларнинг муайян қисми етарли даромад манбаига эга эмас.

Халқимиз фаровонлигини ошириш мақсадида “Хар бир оила — тадбиркор”, “Ёшлар — келажагимиз”, “Обод қишлоқ”, “Обод маҳалла”, томоркани ривожлантириш каби дастурлар қабул қилинди. Кейинги икки йил давомида биргина оилавий тадбиркорликни ривожлантириш дастури доирасида бюджетдан қариб 10 триллион сўм имтиёзли кредитлар ажратилди. Албатта, бу аҳоли бандлигини таъминлаш, оилалар учун даромад манбаи яратишга хизмат қилди.

Камбағаллик юртимизда кўп йиллар “ёпиқ мавзў” бўлиб келди. Жорий йил 24 январь куни давлатимиз раҳбари Олий Мажлисга Мурожаатномасида бу ҳақда очиқ-ойдин гапирди ва тарихимизда биринчи марта камбағалликни қисқартириш устувор вазифа сифатида белгиланди.

Видеоселектор йиғилишида шу борадаги ишларни тизимли ташкил этиш масалалари муҳокама қилинди.

— **Дастлабки ҳисоб-китобларга кўра, 12 — 15 фоиз ёки 4-5 миллион аҳолимиз камбағал. Бу уланинг бир кунлик даромади 10 — 13 минг сўмдан ошмапти, дегани. Ёки бир оиллада машина ҳам, чорва ҳам бўлиши мумкин, лекин бир киши оғир касал бўлса, оила даромадининг камида 70 фоизи уни доволатишга кетади. Ҳўш, бундай оилани ўзига тўқ дейиш мумкинми? Президент сифатида мени одамларимизнинг овқатланиши, даволаниши, болаларни ўқитиши, кийинтириши каби ҳаётий эҳтиёжлари нима бўлапти, деган савол ҳар кунни кийнайдн, — деди Шавкат Мирзиёев.**

Ижтимоий ҳимояга муҳтож ва кам таъминланган оилаларни қўллаб-қувватлаш, аҳолини тадбиркорликка кенг жалб қилиш борасидаги ишларни самарали амалга ошириш мақсадида Президентнинг 2020 йил 18 февралдаги Фармони ҳамда қарорига мувофиқ, Маҳалла ва оилани қўллаб-қув

ватлаш вазирлиги ташкил этилди. Маҳалла — туман (шаҳар) — вилоят — республика даражасида тадбиркорликни ривожлантириш ва камбағалликни камайитиришга масъул лавозимлар жорий қилиниб, вертикал тизим яратилди.

Шунингдек, кўни кеча Бош вазирнинг молия-иқтисодиёт ва камбағалликни қисқартириш масалалари бўйича ўринбосари лавозими ҳамда ҳукуматда алоҳида котибият ташкил этилди.

— **Камбағалликни камайитириш ойлик ёки нафақа миқдорини кўпайитириш, ётпасига кредит бериш, дегани эмас. Бунинг учун, энг аввало, аҳолини касбга ўқитиш, молиявий саводхонлигини ошириш, одамларда тадбиркорлик ҳиссини уйғотиш, инфратузилмани яхшилаш, фарзандларини ўқитиш, сифатли даволаниш, манзилли нафақа тўлаш тизимини жорий қилиш керак, — деди давлатимиз раҳбари.**

Шу мақсадда Бирлашган Миллатлар Ташкилоти, Жаҳон банки ва бошқа нуфузли халқаро ташкилотлар билан камбағалликка қарши курашишнинг ўрта ва узоқ муддатли стратегияси ишлаб чиқилмоқда.

Йиғилишда, аввало, ҳар бир маҳалла, туман, шаҳар ва вилоят даражасидаги ҳақиқий шароит ва аҳолни таҳлил қилиш кераклиги қайд этилди. Бунинг учун, биринчи йўналишда камбағалликка оид реал аҳвол, яъни маҳалалардаги даромади кам оилалар сони ҳақида маълумот йиғилиши, иккинчи йўналишда туман ва шаҳарнинг салоҳияти, табиий ресурслари, ер ва инфратузилма имкониятлари ҳаритаси тузилиши белгиланди.

— **Одамларнинг меҳнат қилиб, бой бўлиши ва яхши ҳаёт кечириши учун барча шароитларни яратишимиз зарур, — деди Президент.**

Қайд этилганидек, тадбиркорлик яхши ривожланган ва аҳоли зич жойлашган ҳудудлар атрофида қишлоқ ҳўжалигига мўлжалланмаган ва бўш турган ер майдонларида кичик саноат зоналари ташкил этилади. Зарур ин-

фратузилма яратиш учун Кичик саноат зоналарини бошқариш дирекцияларига бюджетдан 100 миллиард сўм ажратилади. Улардаги ер участкалари тадбиркорларга бозор қийматида эгаллик ҳуқуқи билан сотилади. Ушбу лойиҳа ўзини оқласа, иккинчи ярим йилликда яна қўшимча 150 миллиард сўм ажратилади.

Иқтисодиёт ва саноат вазирлигига ҳокимлар билан биргаликда янги кичик саноат зоналари учун бўш ер майдонларини аниқлаб, инфратузилма билан таъминлаш вазифаси юклатилди.

Фойдаланишдан чиқиб кетган ерларни камбағал аҳолига ажратиб бериш, зарур жойларда артезиан ва қудуқлар қазиш бўйича топшириқ берилди.

Аҳолини тадбиркорликка ўргатиш, касбий малакасини ошириш орқали камбағалликни камайитириш энг асосий масала ҳисобланади.

Ҳозирги кунда мамлакатимизда расман иш билан банд бўлмаган 1 миллион 400 мингга яқин аёллар ва ёшлар бор. Хотин-қизлар ўртасида ишсизлик даражаси 13 фоиз, ёшларда эса 15 фоизни ташкил этмоқда. Фарғона, Самарқанд, Андижон, Қашқадарё ва Тошкент вилоятларида бу кўрсаткич юқори.

Шу билан бирга, бугунги кунда қурилишда 104 минг, коммунал соҳада 71 минг, хизмат кўрсатиш соҳасида 68 минг, енгил саноатда 46 минг нафар мутахассисга эҳтиёж мавжуд. Йиғилишда шу каби талаб бор жойларга малакали мутахассислар етказиб бериш, бандликни таъминлаш учун ҳар бир ҳудудда ишсиз аҳолини тадбиркорликка ўқитиш курслари ташкил этиш зарурлиги таъкидланди.

Ўқш якуни бўйича Кичик бизнес ва тадбиркорликни ривожлантириш агентлиги томонидан танлов эълон қилиниб, энг илгор лойиҳа учун “стартап”га 20 миллион сўм миқдорида грант ажратилади. Ҳокимлар ҳам маҳаллий бюджет маблағлари ҳисобидан илгор тадбиркорлик лойиҳаларига грантлар беради.

Касбга ўқиш истагини билдирган ёлғиз аёллар ва кўп фарзандли аёллар, ишсизлар учун кўндалик ҳаётда эҳтиёж юқори бўлган ҳунарлар, хусу-

сан, тикувчилик, пазандалик, сартарошлик ва бошқа йўналишларда касбга ўргатиш курслари ташкил этилади. Бунинг учун маҳалла идоралари ёки ҳудуддаги бинолардан жой ажратилиб, зарур жиҳозлар билан таъминланади.

Маҳалла ва оилани қўллаб-қувватлаш вазирлигига “Маҳалла гузарларида касбга ўқитиш дастури”ни ишлаб чиқиб, талабгорлар рўйхатини шакллантириш бўйича топшириқ берилди.

Қатор ҳудудларда касбга ўқитиш борасидаги ишлар кескин танқид қилинди. Жумладан, Қорақалпоғистоннинг 11 туманида, Бухоро ва Тошкент вилоятларида 9 тадан, Сурхондарёнинг 7, Жиззахнинг 5 туманида бирорта ҳам бундай марказлар йўқлиги қайд этилди.

Касбга тайёрлаш марказларини ташкил этишга нодавлат ташкилотларни фаол жалб қилиш, улар ўртасида энг яхши касбга тайёрлаш ўқув дастури бўйича танлов ўтказиб, ғолибларга Бандликка кўмаклашиш жамғармасидан грант ажратиш бўйича топшириқлар берилди.

Бандлик ва меҳнат муносабатлари вазирлигига ҳар бир ҳудудда “Ишга марҳамат” моно-марказлари ҳамда касбга тайёрлаш марказлари ташкил этиб, ишсизларга касбий билим ва кўникмалар, шунингдек, эҳтиёжга қараб хорижий тилларни ҳам ўргатиш вазифаси юклатилди.

Оилавий тадбиркорлик дастурлари доирасидаги маблағларнинг 70 фоизи камбағал аҳолига иш ўрни яратишни назарда тутувчи кичик ва ўрта бизнес лойиҳаларига йўналтирилиши белгиланди. Шунингдек, камбағал кишини ишга олган корхоналарга банк кредитлари бўйича қулайлиқлар берилиши қайд этилди.

Ахборот технологиялари соҳаси бир томондан бизнесга кўмаклашувчи восита, иккинчи томондан бизнеснинг алоҳида йўналишидир. Шу боис ўзини ўзи банд қилишни хоҳловчиларга тушунарли бўлган интерактив мобил иловалар, барча саволларга жавоб берадиган “бизнес навигатор”лар яратиш зарур.

Савдо-саноат палатаси, Кичик бизнес ва тадбиркорликни ривожланти-

риш агентлигига тижорат банклари билан бирга содда тилда тайёр бизнес лойиҳалар ишлаб чиқиб, одамларга тақлиф этиш бўйича кўрсатма берилди. Бу бизнес лойиҳаларда харажат ва даромад билан боғлиқ барча ҳисоб-китоблар, ишлаб чиқариш қувватлари, маҳсулот миқдори каби масалалар “ипидан-игнасиғача” аниқ бўлади.

Ушбу лойиҳалар ҳақида жойлардаги мулоқотлар, оммавий ахборот воситалари ва ижтимоий тармоқлар орқали аҳолининг барча қатламига маълумот етказиш кераклиги қайд этилди.

Савдо-кўнгилочар марказларни кўпайтириш ҳамда кўча савдони ривожлантириш, бу борадаги ортиқча чекловларни олиб ташлаш бўйича тақлифлар билдирилди.

Кичик бизнес ва тадбиркорликни ривожлантириш агентлиги, Бизнес-омбудсман, Савдо-саноат палатаси ҳамда Бош вазир қабулхоналари давлат ва тадбиркор ўртасидаги “кўприк” вазифасини бажариши, тадбиркорлик ташаббусларининг амалга ошишига ҳар томонлама кўмаклашиши шартлиги таъкидланди.

Жорий йил 1 мартдан бошлаб иқтисодий комплекс идоралари фаолиятини рейтинг асосида баҳолаш тизими ҳамда Ҳудудларда тадбиркорлик ривожланиши индекси жорий этилмоқда. Аҳоли ўртасида очик ва яширин сўровлар ўтказиш орқали уланинг иқтисодий комплекс ташкилотларига бўлган муносабати ўрганиб борилади. Натижаларга қараб, муайян ҳудуддаги иқтисодий комплекс раҳбарлари фаолияти “намунали”, “яхши”, “қоникарли” ва “қоникарсиз” деб топилади. Ижобий баҳоланганлар рағбатлантирилади ва паст баҳо олганларга жазо чоралари қўрилади. Баҳолаш натижалари бир йилда икки маротаба Олий Мажлис палаталари, халқ депутатлари вилоят Кенгашларида ва ҳукуматда муҳокама қилинади.

Видеоселектор йиғилишида муҳокама қилинган масалалар юзасидан мутасаддилар ахборот берди, тегишли чора-тадбирлар белгилаб олинди.

ЎзА.

Ўзбекистон Республикаси Президентининг ҚАРОРИ

ЎЗБЕКИСТОН РЕСПУБЛИКАСИ ФУҚАРОЛАРИНИНГ МУДДАТЛИ ҲАРБЙ ХИЗМАТГА НАВБАТДАГИ ЧАҚИРУВИ ҲАМДА БЕЛГИЛАНГАН ХИЗМАТ МУДДАТИНИ ЎТАБ БЎЛГАН ҲАРБЙ ХИЗМАТЧИЛАРНИ ҚУРОЛЛИ КУЧЛАР РЕЗЕРВИГА БЎШАТИШ ТЎҒРИСИДА

“Умумий ҳарбий мажбурият ва ҳарбий хизмат тўғрисида”ги Ўзбекистон Республикаси Қонунига мувофиқ:

1. Чақирилиш муддатини кечиктириш ҳуқуқига эга бўлмаган Ўзбекистон Республикасининг қақирув ёшидаги фуқаролари 2020 йилнинг март-апрель ойларида муддатли ҳарбий хизматга қақирилсин.

Муддатли ҳарбий хизматни ўташга яроқли ҳамда қақирилиш муддатини кечиктириш ва қақирилишдан озод этиш ҳуқуқига эга бўлмаган, бироқ ушбу қақирув мобайнида Қуролли Кучлар сафига қақирилмайдиган фуқаролар сафарбарлик қақирuvi резервиге олинсин.

2. Муддатли ҳарбий хизматнинг белгиланган муддатини ўтаб бўлган ҳарбий хизматчилар 2020 йилнинг март-апрель ойларида Ўзбекистон Республикаси Қуролли Кучлари резервиге бўшатилинсин.

3. Мазкур қарорнинг ижросини назорат қилиш Ўзбекистон Республикасининг Бош вазирн А. Н. Арипов ва Ўзбекистон Республикаси Президенти ҳузуридаги Ҳавфсизлик кенгаши котиби В. В. Махмудов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент шаҳри, 2020 йил 26 февраль

Ўзбекистон Республикаси Президентининг ҚАРОРИ

ПЕДАГОГИК ТАЪЛИМ СОҲАСИНИ ЯНАДА РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Мамлакатимизда таълим-тарбия тизимини янги босқичга кўтариш, педагог кадрлар тайёрлаш сифатини илгор халқаро стандартлар асосида тақомиллаштириш ва олий педагогик таълим билан қамров даражасини ошириш борасида изчил чора-тадбирлар амалга ошириб келинмоқда.

Жумладан, мактабгача таълим қамровининг ошиши, 11 йиллик умумий ўрта таълим тизимининг жорий қилиниши ҳамда олий маълумотли кадрлар тайёрлаш кўламининг кенгайиши муносабати билан юқори малакали мутахассисларга нисбатан юзага келаётган эҳтиёжни ўз вақтида таъминлаш мақсадида сўнгги йилларда педагог кадрлар тайёрлашга ихтисослашган 1 та хорижий ва 4 та маҳаллий олий таълим муассасаси фаолияти йўлга қўйилди, мазкур таълим соҳаси бўйича хорижий давлатлар билан кўша таълим дастурлари ташкил этилди.

(Давоми 2-бетда).

Янги Ўзбекистон — янги парламент

ЖАДАЛ ИСЛОҲОТЛАРГА МОС ҚОНУНЛАР КЎРИБ ЧИҚИЛАДИ

Бугун Сенатнинг иккинчи ялпи мажлиси ўз ишини бошлайди. Унда мамлакатимиз иқтисодий, ижтимоий тараққиётига оид бир неча долзарб масалалар муҳокама қилиниши кутилмоқда. Бундан ташқари, сенаторлар Вазирлар Маҳкамасига кўндалик ҳаётимизда учраётган бир қатор муаммолар юзасидан парламент сўровини юборишга оид масалаларни ҳам кўриб чиқадилар.

Кеча юқори палата кўмиталари йиғилишида қонулар ва парламент сўровлари дастлабки тарзда ўрганиб чиқилди.

Ҳисоб палатаси вакиллариининг сиёсий партияларга аъзолиги чекланади

Сенатнинг Бюджет ва иқтисодий ислохотлар масалалари кўмитаси йиғилишида “Ўзбекистон Республикасининг айрим қонун ҳужжатларига ўзгариш ва қўшимчалар киритиш тўғрисида”ги қонун дастлабки тарзда кўриб чиқилди.

Мазкур ҳужжат Президентимизнинг суд ҳокимияти фаолиятини янада тақомиллаштириш, банк хизматлари оммабоплигини оширишга қаратилган қарорлари ҳамда “Ўзбекистон Республикасининг Ҳисоб палатаси тўғрисида”ги Қонуни талабларига мувофиқ ишлаб чиқилган. Унга кўра, бир қатор қонун ҳужжатларига жаримани ихтиёрий тўлаш муддатини 30 кун этиб (амалдаги таҳ-

рирда 15 кун) белгилашни, шунингдек, жарима солиш тўғрисидаги қарорни ихро этишнинг соддалаштирилган тартибини назарда тутадиган ўзгариш ва қўшимчалар киритилмоқда.

Бундан ташқари, қонунда Ҳисоб палатаси аъзоларининг сиёсий партияларга аъзолигини чеклаш ҳам назарда тутилган. Бу эса, ўз навбатида, ушбу нуфузли назорат тузилмаси аъзоларининг ўз ишига ҳолис ёндашувини таъминлайди.

Шунингдек, қонунчиликда Ҳисоб палатаси раисини Конституциявий судда кўриб чиқиш учун масалалар киритиш ҳуқуқига эга бўлган шахслар доирасига киритиш бўйича нормалар ҳам белгиланмоқда.

Гаага конференцияси Устави ратификация қилинади

Сенатнинг Халқаро муносабатлар, ташқи иқтисодий алоқалар, хорижий инвестициялар ва туризм масалалари кўмитаси мажлисида “Халқаро ҳусусий ҳуқуқ бўйича Гаага конференцияси Устави (Гаага, 1951 йил 31 октябръ) ратификация қилиш ҳақида”ги қонун муҳокамалар марказида бўлди.

Маълумот учун: Гаага

конференцияси нуфузли халқаро ҳукуматлараро ташкилот ҳисобланиб, унинг асосий мақсади аъзо давлатларга халқаро ҳусусий ҳуқуқ нормаларини босқичма-босқич унификация қилишга кўмаклашишдан иборатдир. Ҳозирги кунда ташкилотга 82 та мамлакат аъзо.

➡2

«Халқ сўзи» учун махсус

Ўзбекистон — БМТ доирасидаги муҳим халқаро ташаббуслар ижодкори

Ўзбекистон Бирлашган Миллатлар Ташкилотига тенг ҳуқуқли аъзо бўлиб кирганининг 28 йиллиги арафасида “Дунё” АА мухбири мамлакатимизнинг БМТдаги доимий вакили Бахтиёр Иброҳимов билан суҳбатлашди. Ваколатхонамиз раҳбари мулоқот чоғида халқаро ташкилот билан ҳамкорликнинг жорий ҳолати ва истикболлари ҳақида қуйидагиларни сўзлаб берди.

Бизнинг интервью

КЛАСТЕР — инновацион иқтисодиётни ривожлантириш, қишлоқ ҳўжалигини саноатлаштиришда етакчи куч

Ўзбекистонда амалга оширилаётган шиддатли ислохотларнинг ҳозирги босқичида иқтисодиётнинг энг муҳим соҳаларидан бири — қишлоқ ҳўжалиги ҳам янгиланмоқда. Бу жараёнда аграр жабҳа ва у билан бевосита боғлиқ бўлган тармоқлар истиқболи катта аҳамият касбляди. Зеро, ушбу янги тузилма қишлоқ ҳўжалигида бозор иқтисодиёти тамойилларига ўтиш жараёнини тезлаштириш, чекка ҳудудларга саноатни олиб кириш, энг муҳими, қишлоқлар аҳолиси бандлигини таъминлашда катта имкониятга эгалиги билан ажрალიб туради. Шу боис Президентимиз Шавкат Мирзиёев ғояси билан дастлаб пахта-тўқимачилик кластерларига асос солинган бўлса, эндиликда у мева-сабзавотчилик, чорвачилик, ғаллачиликда ҳам татбиқ қилинмоқда.

Ҳўш, кластерлар афзаликлари нималарда намоён бўляпти? У қишлоқ ҳўжалигида қандай муваффақиятларга йўл очаётир?

Мамлакатимиздаги биринчи пахта-тўқимачилик кластери таъсисчиси, иқтисодиёт фанлари доктори, профессор, сена-тор Муртазо РАҲМАТОВ билан шу мавзуда суҳбат уюштирдик.

— **Давлатимиз раҳбари раислигида февраль ойининг биринчи ярмида кластерлар фаолиятини тақомиллаштириш масаласига бағишлаб икки марта**



видеоселектор йиғилиши ўтказилгани ушбу тузилмага бўлган эътибор қанчалик юксак эканлигидан далолат беради. Мазкур йўналишда дастлабки натижаларга эга инвестор сифатида айтинг-чи, кластерлар қишлоқ ҳўжалигида қандай сифат ўзгаришларига замин яратмоқда?

➡4

Ўзбекистон – БМТ доирасидаги муҳим халқаро ташаббуслар ижодкори



Бу борада энг асосий қадамлардан бири — мамлакатимизнинг 1992 йил 2 март куни Бирлашган Миллатлар Ташкилотига аъзо бўлгандир. Бугунги кунга қадар Ўзбекистон БМТ резолюция ва қарорларини амалиётга жорий этиш, уларнинг ижроси доирасидаги ҳамкорликка алоҳида эътибор қаратиб келмоқда. Зеро, Президентимиз Шавкат Мирзиёев таъкидлаганидек, “Бирлашган Миллатлар Ташкилоти ва бошқа халқаро тузилмалар билан фаол муносабатлар ва ҳамкорлик олиб бориш Ўзбекистоннинг миллий манфаатларига хизмат қилади”.

Сўнгги йилларда давлатимизнинг БМТ билан турли соҳаларда ҳамкорлик алоқалари янада мустаҳкамланиб, тобора ғароқлашиб бормоқда. Энг асосийси, БМТ Бош қотиби Антониу Гутерриш давлатимиз раҳбари томонидан олиб борилаётган ислохотларни юқори баҳоламоқда ва Марказий Осиёда қузатилаётган ижобий ўзгаришларни намуна сифатида эътироф этяпти.

Президентимизнинг 2017 йил сентябрь ойида Нью-Йорк шаҳрида бўлиб ўтган БМТ Бош Ассамблеясининг 72-сессиясидаги иштироки ва ушбу ташкилот юқори минбаридан туриб илгари сурган қатор муҳим ташаббуслари мамлакатимиз билан БМТ ўртасидаги ҳамкорликнинг янги босқичини бошлаб берди ва тарихий аҳамият касб этди.

Унда давлатимиз раҳбари БМТнинг халқаро муносабатлардаги ролини оширишга қаратилган долзарб фикрларни билдирди. БМТнинг Ёшлар ҳуқуқлари тўғрисидаги халқаро конвенциясини ишлаб чиқиш ва қабул қилиш, Бош Ассамблеянинг “Маърифат ва диний бағрикенглик” ҳамда “Марказий Осиё минтақасида тинчлик, барқарорлик ва исчилик тараққиётини таъминлаш бўйича минтақавий ва халқаро ҳамкорлиқни мустаҳкамлаш” деб номланган махсус резолюцияларини қабул қилиш тақлифи билан чиқди.

Мамнуният билан таъкидлаш ўринлики, бугунги кунда Президентимизнинг БМТ махсус резолюцияларини қабул қилиш бўйича икки ташаббуси ташкилотта аъзо давлатлар томонидан бир овоздан консенсус билан қабул қилинди. Бу Ўзбекистоннинг БМТ доирасидаги муҳим халқаро ташаббуслар ижодкорига айланиб бораётганидан далолат беради.

Сўнгги йилларда давлатимиз раҳбари илгари сурган яна бир муҳим саъй-ҳаракат ўзининг амалий натижасини берди. Хусусан, БМТнинг Оролбўйи минтақаси учун инсон ҳавфсизлиги бўйича кўп томонлама шериклик асосида траст фонди тузилди ва БМТ Бош Ассамблеяси томонидан “Марказий Осиёда барқарор туризм ва барқарор

ривожланиш” номли яна бир махсус резолюция қабул қилинди.

Бу каби натижалар Президентимиз олиб бораётган фаол ташқи сиёсатнинг жаҳон ҳамжамияти ва БМТ раҳбарияти томонидан тўлиқ қўллаб-қувватланаётганидан дарақдир.

Бугунги кунда Ўзбекистон Республикасининг БМТ билан ўзаро кўп томонлама ҳамкорлигининг устувор йўналишлари сифатида ҳавфсизлик, бошқа замонавий таҳдидларга қарши курашиш, оммавий қирғин қуролларини тарқатмаслик, Афғонистон масаласини тинч йўл билан ҳал этиш, ушбу мамлакатни қайта тиклаш, экологик муаммоларни бартараф қилиш, Марказий Осиёни ядро қуролидан холи ҳудуд сифатида эътироф этиш, Орол фожiasi оқибатларини юмшатиш, таълим, фан ва маданиятни ривожлантириш, тарихий шахслар ва аъёналар, меъморий ёдгорликларни асраш, қайта тиклаш қабилидаги эътироф этиш мумкин. Бу борада мамлакатимизнинг БМТдаги доимий ваколатхонаси изчил ва фаол иш олиб бормоқда.

Жумладан, 2019 йил сентябрь ойида Ўзбекистон вакили БМТ Бош Ассамблеяси 74-сессияси раисининг ўринбосари этиб сайланди. Бу икки томонлама ҳамкорлик тарихидаги яна бир муҳим воқеа бўлди.

Бош Ассамблея БМТнинг асосий маслаҳат органи бўлиб, унда ташкилотга аъзо барча давлатлар қатнашади. У тинчлик ва ҳавфсизликни таъминлаш, қуролсизланиш, ривожланиш, камбағалликка барҳам бериш, инсон ҳуқуқлари ва атроф-муҳитни ҳимоя қилиш каби муҳим масалалар билан шуғулланади. Халқаро муаммоларнинг кенг доирасини кўриб чиқади ва улар бўйича қарорлар қабул қилади.

Ҳозирги вақтда доимий ваколатхонамиз асосий эътиборини Президентимиз илгари сурган БМТнинг Ёшлар ҳуқуқлари тўғрисидаги конвенциясини қабул қилишга қаратган.

Бу борада БМТга аъзо давлатлар ва БМТ Бош қотибининг Ёшлар ишлари бўйича махсус элчиси К. Викраманяке билан мунтазам музокаралар олиб боришмоқда. Мулоқотлар чоғида мазкур конвенцияни қабул қилишнинг аҳамияти, унинг асосий мақсад ва вазифалари, долзарблиги бўйича аниқ ёндашувлар билдирилмоқда.

Ушбу муҳим халқаро ҳужжати қабул қилиш учун барча куч ва ғайратимизни сафарбар этиб, ёш авлод вакиллари, уларнинг ҳуқуқ ҳамда эркинликларини ишончи ҳимоя қилиш бўйича Ўзбекистон ва БМТ ҳамкорлигини мустаҳкамлашга интиляпмиз.

«Дунё» АА мухбири Замира АЗИЗОХОВА ёзиб олди.

ЖАҲОН БОЗОРИГА ЙЎЛ ВА ИНВЕСТИОРЛАР УЧУН КАТТА ҚУЛАЙЛИК

Давлатимиз раҳбари томонидан куни кеча “Молиявий ҳисоботнинг халқаро стандартларига ўтиш бўйича қўшимча чора-тадбирлар тўғрисида”ги қарор имзоланди.

Бизнинг шарҳ

Таъкидлаш жоизки, мамлакатимизда яратилган қўлай ишбилармонлик ва инвестициявий муҳит тўғрйли кўплаб хорижий ҳамда маҳаллий тадбиркорлар муваффақиятли бизнес юритмоқда. Шу билан бирга, ҳали тадбиркорлик ривожини учун қилиниши лозим бўлган ишлар ҳам талайгина. Хусусан, бухгалтерия ҳисоби ва молиявий ҳисоботнинг ҳозир амалда бўлган тизими инвесторлар ва молиявий ахборотлардан фойдаланувчиларни сифатли, ишончли ҳамда фойдали маълумотлар билан тўлиқ таъминлай олмайди.

Бугунги кунда бухгалтерия ҳисобининг 23 та миллий стандарти, шу жумладан, молиявий ҳисоботни тайёрлаш ва тақдим этишнинг концептуал асослари амалда бўлиб, улар ҳўқалиқ юритувчи субъектларнинг ҳақиқий ҳисоботини кўрсатиб бермайди. Қўяматни ба-

ҳолашининг халқаро талабларига мувофиқ эмас.

Шунингдек, инвентаризация жараёнида ҳужжатларнинг ҳаддан зиёд кўпчилиги бухгалтерия маълумотларини самарали қайта ишлаш имконини бермайди ва ҳисоб жараёнини автоматлаштиришни мураккаблаштиради.

Президентимизнинг қарори мазкур жараёнини соддалаштириш, молиявий ҳисоботнинг халқаро стандартларини жорий қилиш орқали хорижий инвесторларни зарур ахборотлар билан таъминлаш ва халқаро молия бозорларига кириш имкониятларини кенгайтиради. Ҳисоб ва аудит соҳалари мутахассисларини дунё стандартлари асосида тайёрлашда кўл келади.

Қарорга мувофиқ, 2021 йил 1 январдан бошлаб акциядорлик жамиятлари, тижорат банклари, суғурта ташкилотлари ва йирик солиқ тўловчилар

тоифасига кирилган юридик шахслар молиявий ҳисоботнинг халқаро стандартлари асосида иш юритади. Шунингдек, молиявий ҳисоботни ижтйёрий равишда халқаро стандартларга мувофиқ тайёрлаган тадбиркорлик субъектлари миллий стандартлар бўйича молиявий ҳисобот тақдим этишдан озод қилинади.

Ўзбекистон Республикаси Молия вазирлиги молиявий ҳисоботларнинг халқаро стандартларини жорий этиш бўйича ваколатли органи ҳисобланади.

Вазирлик Давлат солиқ қўмитаси, Капитал бозорини ривожлантириш агентлиги, Давлат активларини бошқариш агентлиги билан биргаликда молиявий ҳисоботнинг халқаро стандартлари жорий этилишини, шунингдек, тадбиркорлик субъектлари томонидан молиявий ҳисоботни янги тартиб асосида, ўз вақтида эълон қилиниши бўйича мониторинг олиб боради. Шу мақсадда Ўзбекистон Республикаси Молия вазирлигининг Бухгалтерия ҳисоби ва аудит услубияти бошқармаси таркибида учта штат бирлигидан иборат молиявий халқаро стандартларини жорий этишни мувофиқлаштириш ва эълон

қилинадиган молиявий ҳисобот сифатининг ташқи назорат бўлими ташкил этилади.

Қарор билан илғор халқаро тажрибани инобатга олган ҳолда, молиявий ҳисоботнинг халқаро стандартларини ва мазкур соҳада кадрлар тайёрлашнинг замонавий усулларини босқичма-босқич жорий этишнинг уч бўлим ва 18 банддан иборат “Йўл харитаси” тасдиқланди. “Йўл харитаси” молиявий ҳисоботнинг халқаро стандартларини жорий этиш жараёнини тизимлаштириш ва унинг натижадорлигини ошириш, кадрларни тайёрлаш ҳамда олий таълимнинг бухгалтерия ва аудит таълими йўналишлари тизимини такомиллаштириш бўйича чора-тадбирларни қамраб олган.

Ҳужжатга мувофиқ, Тошкент давлат иқтисодийёт университети, Тошкент молия институтини, Самарқанд иқтисодиёт ва сервис институтини, Фарғона политехника институтини таъриба олий таълим муассасалари сифатида белгиланиб, бухгалтерия ҳисоби ва аудит фанлари бўйича педагог-ҳодимлар аккредитациядан ўтган ўқув марказларида молиявий ҳисоботларнинг халқаро

стандартлари бўйича босқичма-босқич ўқитиб борилади.

2020/2021 ўқув йилидан бошлаб таъриба олий таълим муассасаларида бухгалтерия ҳисоби ва аудит фанлари бўйича халқаро сертификатлаш доирасида молиявий ҳисоботнинг халқаро стандартлари юзасидан молиявий ҳисобот ёки аудит фанини муваффақиятли топширганлиги тўғрисидаги ҳужжатга ёҳуд халқаро бухгалтерия сертификатига эга бўлган ўқитувчилар томонидан ўқитилади.

Шунингдек, қарор талаблари асосида 2020 йил 1 августга қадар бухгалтерия ҳисоби ва аудит фанлари бакалаврият ҳамда магистратура учун молиявий ҳисоботнинг халқаро стандартларини чуқур ўрганишни назарда тутувчи янгиланган ўқув дастури ишлаб чиқилади.

Қарорга биноан, Молия вазирлиги молиявий ҳисоботларнинг ягона стандартларини ишлаб чиқадиган ва тасдиқладиган халқаро мустақил ташкилот — Молиявий ҳисоботнинг халқаро стандартлари жамғармаси билан битим тузади.

Шарофиддин ХАЙДАРОВ, Молия вазирлигининг бухгалтерия ҳисоби ва аудит услубияти бошқармаси бўлим бошлиғи:

— Халқаро стандартлар ҳамма давлатлар учун ягона бўлиб, у барча кўрсаткичларда бир хил тизим ва бир хил усулда шакллантириш тартибини белгилаб беради. Шу нуқтаи назардан, молиявий ҳисоботнинг халқаро стандартларга ўтиши миллий корхона ва ташкилотларимизнинг молиявий ҳисоботларини жаҳоннинг хоҳлаган давлатлари тушуниши имкониятини беради. Бунинг натижасида, биринчи навбатда, инвесторларга молиявий ҳисоботларимиз тушунарли бўлади. Шунингдек, халқаро молиявий бозорга чиқиш имкониятимиз кенгайди.

Игорь БУЯН, Россиянинг “Ernst&Yang” компанияси вакили: — Ўзбекистондаги барча соҳа мутахассисларини муҳим ҳужжат қабул қилингани билан

табриклайман. Чунки бу стандартларнинг амалиётга жорий этилиши мамлакатда соғлом рақобат муҳити яратади. Бундан ташқари, таълимнинг жаҳон талаблари асосида ташкил этилиши мутахассисларни нафақат шу республикада, балки хорижда ҳам эркин фаолият юритишига шароит туғдиради. Шу боис мазкур ҳужжат барча молия соҳаси вакиллари учун муҳимдир.

Баҳром ХАМДАМОВ, Тошкент молия институтининг Аудит ва иқтисодий таҳлил кафедраси профессори:

— Қарорда бухгалтерларни тайёрлашда халқаро стандартлар билан ўйғунлиқни олиб бориш, яъни ўқув дастурлари, ўқув адабиётлари ва ўқитувчиларни қайта тайёрлаш вазифалари ҳам қўйилапти. Ўқитувчиларни қайта тайёрлаш даври 2025 йилгача давом этади ва бу ўқитувчиларнинг жуда катта контингенти қамраб олади.

Ҳамкорлик

ҚУРИЛИШ САНОАТИ ПРОФЕССИОНАЛЛАРИ ПОЙТАХТИМИЗДА ИШ БОШЛАГАН ХАЛҚАРО КЎРГАЗМАДА ИШТИРОК ЭТМОҚДА

Кейинги йилларда юртимизда қурилиш ишлари тобора жадал тус олмақда. Ушбу жараёнда энг илғор техника ва замонавий ашёлардан фойдаланилаётгани эса иш унумдорлигини оширяпти. Бунёдорлик ишлари кенгайгани сари тармоқни зарур техника ва маҳсулотлар билан таъминлаш ҳам долзарблик касб этиб бораверади. Шу маънода, пойтахтимиздаги “Ўзэкспомарказ” мажмуасида бўлаётган “Қурилиш — UzBuild — 2020” ХХI халқаро кўргазмасининг аҳамияти катта.

Бинобарин, Ўзбекистон Республикаси Қурилиш, Инвестициялар ва ташқи савдо вазирликлари, “Ўзсаноатқурилишматериаллари” уюшмаси, Савдо-саноат палатаси каби ташкилотлар томонидан ўтказилаётган мазкур тадбирга қизиқиш ҳар қачонгидан юқори. Маҳаллий ва хорижий қурилиш материаллари, технологиялар ва махсус асбоб-ускуналари ишлаб чиқарувчиларнинг энг сара ютуқ ҳамда таърибалари намойиши майдонига айланган кўргазмада Австрия, АҚШ, БАА, Германия, Грузия, Дания, Испания, Корея Республикаси, Лихтенштейн, Озарбайжон, Польша, Португалия, Россия, Тожикистон, Туркия, Туркменистон, Украина, Финляндия, Швейцария, Қозоғистон, Ҳиндистон сингари 25 мамлакатнинг 400 дан ортиқ компаниялари ўз маҳсулот ва хизматларини тақлиф этмоқда. Эътиборлиси, жорий йилги саноат анжуманига 175 та компания вакиллари илк мартабга ташриф буюрган.

— Мазкур тадбир юртимизда қурилиш саноати ва бунёдорлик ишларини янада кенгайтириш ҳамда хорижий ҳамкорлар билан алоқаларни мустаҳкамлашда айнаи мудоаодир, — дейди “Ўзсаноатқурилишматериаллари” уюшмаси бошқаруви раиси Б. Зарипов. — Зеро, юртимизда сўнгги пайтларда ушбу йўналишдаги ишлар жадаллашди. Жойларда янги завод ва корхоналар ташкил этиляпти, ички бозоримиз янги маҳсулотлар билан бойймоқда.

Дарҳақиқат, ҳар қандай соҳа ривожидида халқаро алоқалар, инвестициялар муҳим ўрин тутати. Шу боис “Ўзсаноатқурилишматериаллари” уюшмаси тизимида бу борадаги ишларга ҳиддий эътибор қаратилмоқда. Пироваврдиди ўтган йили уюшма томонидан 1,3 миллиард АҚШ доллари миқдориди инвестициялар жалб этилди. Шундан 680,4 миллион доллари тўғрисида турри хорижий инвестициялардир. Инвестиция дастури доирасида 42 та, Худудларни ривожлантириш дастурига биноан 757 та лойиха ишга туширилди. Бу ҳаммаси эмас. Президентимизнинг 2020 йил 9 январдаги қарорига мувофиқ, 2020 — 2022 йилларда қури-



лиш материаллари ишлаб чиқаришга оид 120 та лойиха рўёбга чиқарилиши белгиланган.

Жорий йилда уюшма томонидан ушбу лойихалар бўйича барча манбалар ҳисобидан 1,8 миллиард доллар, шу жумладан, хорижий инвестициялар ҳисобидан 1,4 миллиард доллар ўзлаштириш ҳамда 64 та лойихани амалга ошириш кўзда тутилмоқда. Натижада 5,1 миллион тонна цемент, 22 миллион кв. метр силлик (флоат) қурилиш ойнаси, 2,5 миллион кв. метр линолеум, 750 минг куб метр газобетон блоклари, 50 минг дона санитар-техник буюмлар, 200 минг куб метр ДСП

плиталари, 240 минг тонна қуруқ қурилиш аралашмалари ишлаб чиқариш ва 800 минг кв. метр табиий пардозбоп тошларни қазиб олиш ҳамда қайта ишлаш каби қувватлар вужудга келади.

Халқаро кўргазма асносида “ICCI — 2020” — Иккинчи халқаро қурилиш саноати анжумани ҳамда бир қатор семинар ва маҳорат дарслари, тақдимот маросимлари ўтказилаётгани улкан режаларга пухта замин яратиши, шубҳасиз.

Дилшод УЛУҒМУРОДОВ («Халқ сўзи»).

Ҳасан ПАЙДОЕВ олган сурат.

Инсон ва табиат

Марказий Осиёдаги ноёб экологик масканлардан бири — “Жайрон” кўриқхонасида камёб ва йўқолиб бораётган хайвонлар ҳимоя қилиниб, кўпайтирилади. 1977 йилда ташкил этилган ушбу кўриқхонанинг умумий ер майдони 16 522 гектарга тенг.

«ЖАЙРОН»ДАГИЛАР ТЕХНИКАСИЗ ҲАЙРОН...

Бу ерда ўсимликларнинг 250 дан ортиқ турлари йил давомида мавсумга боглиқ ҳолда ўсади. Сут эмизувчи хайвонларнинг 32, қўшларнинг 250, судралиб юрувчиларнинг 18, сувда ҳамда қуруқликда яшовчиларнинг 2, балиқнинг 8 ҳамда умуртқасизларнинг 700 дан ортиқ турлари учрайди.

Кўриқхонада ҳар йилнинг октябрида ҳисоб-китоб ўтказилади. Сўнгги маълумотларга кўра, 155 бош туркман қулони, 24 бош Прежевальский оти, 48 бош Бухоро тоғ қўйи, 3 бош Бухоро бугуси бор. Жайронлар 953 боши ташкил этиляпти. Улар маскан ҳудудиди эмин-эркин юриб кўпаймоқда.



— Буни қарангки, табиатан ҳуркак шу жониворлар ҳам инсон меҳрини ҳис этади, — дейди кўриқхона директори Шавкат Болтаев. — Хусусан, қиш-қировли, изгиринли кунларда бу аёққол сезилади. Чунки шу пайтда табиий озуқа захираси камаяди. Жайронларнинг қўшимча озуқига эҳтиёжи ортади.

Узоққа бормайлик, 2018 йилда иқлим қуруқ ва иссиқ келганди. Оқибатда йилловлар “камбағаллашди”, ўсимлик дунёсига зиён етди. Оравдан салкам икки йил ўятптики, бунинг таъсири халигача сезилмоқда. Ноёб хайвонлар сони кўпайгани сайин бу долзарб масалага айланиб бормоқда.

Шавкат аканинг бу ҳақда сўз очили бежиз эмас. Озиқлантириш рацionaliа кўра, жайрон, Бухоро тоғ қўйи, бурама шоҳли эчкиларнинг шу бошига қунига ўртача 1,5, Прежевальский отига 5, қулонларга 3 килограммдан арпа дони талаб қилинади.

Истам ИБРОҲИМОВ («Халқ сўзи»).

Бизнес форуми

АВСТРИЯ ИШБИЛАРМОНЛАРИ ЮРТИМИЗДАГИ ФАОЛИЯТИНИ КЕНГАЙТИРИШ НИЯТИДА

Самарқанд вилоятида Австрия тадбиркорлари билан ҳамкорликда улар сармояси иштирокида меҳмонхона, туризм, автомобилларни ижарага бериш хизматлари, қандолатчилик, гилам ва гилам маҳсулотлари ишлаб чиқариш ҳамда бошқа йўналишларда бир қатор қўшма корхоналар ташкил этилиб, самарали

Унда Самарқанд вилояти ҳокимининг биринчи ўринбосари Ж. Уроқов ва Австрия федерал иқти-

фаолияти йўлга қўйилган. Ҳамкорлик кўламини янада ошириш, икки давлат ўртасидаги иқтисодий алоқаларни янги поғонага олиб чиқиш мақсадида Самарқанд шаҳридаги Ёшлар марказида Австрия Республикаси ва Самарқанд вилояти ишбилармон доиралари вакиллари билан бизнес форуми ўтказилди.

сод палатаси бошлиғи Рихард Шенц Ўзбекистон ҳамда Австрия ўртасида йўлга қўйилган иқтисодий ҳамкор-

берди. Тадбиркорларни ушбу имкониятлардан унумли фойдаланишга даъват этди.

Делегация таркибидаги 30 дан ортиқ компаниялар қурилиш, саноат, туризм, нефть-кимё, гўшт ва сутни қайта ишлаш, темир йўл, иситиш ҳамда совитиш тизимлари, автомобиллар учун қўшимча ускуналар, қороз ишлаб чиқариш, сув, электр станциялари учун қурилмалар, канализация ва чиқиндиларни тозалаш ҳамда қайта ишлаш, тиббиёт, қадоқлаш, логистика ва бошқа йўналиш-

Абдулазиз ЙЎЛДОШЕВ («Халқ сўзи»).

